



Broj/Број:04/5-50-1-531-16-3/10
Sarajevo/Сарајево, 20. 04. 2010. godine

- Članovima Delegacije PS BiH u NATO PS
Dr. Milorad Živković, Dr. Halid Genjac, Ivo Miro Jović

PREDMET: Informacija o održanom sastanku sekretara delegacija u NATO PS

Jedanaestog i dvanaestog februara 2010. godine u Briselu je održan godišnji sastanak sekretara parlamentarnih delegacija u NATO Parlamentarnoj skupštini. Ispred delegacije PS BiH u NATO PS sastanku je prisustvovao Željko Grubešić, sekretar Delegacije.

11. februar 2010.

Učesnike sastanka je pozdravio David Hobbs, generalni sekretar NATO PS. U svom izlaganju prezentirao je težišne aktivnosti NATO PS u 2010. godini, obaveze Međunarodnog sekretarijata i obaveze sekretara delegacija u parlamentarnim delegacijama.

Nakon izlaganja Davida Hobbsa, o zadacima i planu aktivnosti komiteta NATO PS govorili su:

Andrius AVIZIUS, Direktor Komiteta za nauku i tehnologiju,
Paul COOK, Direktor Komiteta za ekonomiju i sigurnost,
Ruxandra POPA, Direktor Komiteta za civilnu dimenziju sigurnosti,
Steffen SACHS, Direktor Političkog komiteta i
Alex TIERSKY, Direktor Komiteta za odbranu i sigurnost.

U svojim prezentacijama su naglasili da je u 2010. godini težište rada u organizaciji posjeta zemljama pridruženim članicama NATO PS. Posebno je aktuelan Zapadni Balkan. O odlukama koje budu donesene nacionalni parlamenti biće na vrijeme obavješteni. Kada je u pitanju Bosna i Hercegovina članovi Komiteta za odbranu i sigurnost i članovi Komiteta za civilnu dimenziju sigurnosti imaju namjeru doći u posjetu. Uskoro će odlučiti o tome da li je bolje to uraditi prije ili poslije izbora.

Godišnji programi:

Zach Selden, Zamjenik Generalnog sekretara za politiku, Svitlana SVYETOVA, savjetnik za aktivnosti u Centralnoj i Istočnoj Europi i Roberta CALORIO, oficir za Roth-Rose programe i šef Press službe govorili su o godišnjim programima NATO PS.

Tokom 2009. uspješno su organizovane sve planirane aktivnosti. Rose-Roth seminar u Sarajevu je još jedanput dobio najviše ocjene.

Konstatirano je da je bio slab odziv predstavnika nacionalnih parlamenata tokom seminara u Kazahstanu. Apelirano je da bar po jedan predstavnik iz delegacije prisustvuje seminarima i planiranim godišnjim aktivnostima jer u protivnom sama organizacija gubi smisao.

Uloga NATO:

Simon LUNN, Specijalni savjetnik i bivši Generalni sekretar NATO PS govorio je o istorijatu i aktuelnom trenutku NATO. Posebno je naglasio i dalje prisutno liderstvo SAD u NATO, jasno definirane ciljeve NATO u Avganistanu i na Kosovu, potrebu daljeg dijaloga sa Rusijom te je posebno istakao riječi: "Ako mi nećemo u Avganistan, Avganistan će nama doći".

Aktuelne političke aktivnosti NATO-a :

Rad van den AKKER, Lični Ured Generalnog sekretara NATO, govorio je o zadacima NATO u Avganistanu. NATO priprema velike operacije u Avganistanu s ciljem stabiliziranja stanja. Istakao je potrebu provođenja nacionalnih strategija u borbi protiv terorizma. Sa posebnim zanimanjem prisutnih govorio je stanju u Pakistanu, Kini, Iranu i Indiji i uticaju tih zemalja na stanje u Avganistanu.

12. februar 2010.

IT – Intranet i podaci o parlamentarnim delegacijama:

Claire WATKINS, koordinator za informacione tehnologije, Debbie PLAIN, oficir za veze sa delegacijama i Régine MALET, operater za rad sa nacionalnim parlamentima prezentirali su rad IT Sektora u NATO PS. Sekretari delegacija su dobili sve potrebne podatke za pristup informacijama NATO PS.

Budžet i administracija:

Christine HEFFINCK, zamjenik Generalnog sekretara za menadžment, Sebastien BOTELLA, šef financija, Robert ADAMEK, glavni knjigovođa, Eva ANTUNANO, šef za ljudske resurse i Mary BRUYR, asistent govorili su o proceduri pripreme, usvajanja i trošenja budžetskih sredstava u NATO PS. Istakli su da se u NATO PS štedi na način da se zna šta ko radi. To im je moto u radu jer godišnje imaju u dva navrata inspekcije i kontrole gdje se nacionalne delegacije interesuju i detaljno informišu za utrošak svakog eura.

Organizacija sastanaka i seminara:

Gill RAWLING, šef Servisa za konferencije, Helen CADWALLENDER, zamjenik šefa Salima CHEBREK, koordinator prezentirali su praktični dio organizacije NATO konferencija.

Aktivnosti Predsjedavajućeg PS, Stalnog komiteta i Biroa:

Susan MILLAR, izvršni oficir u Kabinetu prezentirala je dnevne, nedeljne i periodične obaveze Generalnog sekretara NATO PS. O stanju u Bosni i Hercegovini razmatraju informacije jedanput sedmično i po potrebi. Šalju ih i pripremaju desk oficiri NATO Štaba u Briselu i istraživači iz sastava Sekretarijata NATO PS koji su angažovani sa ciljem praćenja stanja po regionima. Ako je neka informacija posebno interesantna i ako se Generalni sekretar i njegovi saradnici interesiraju za stanje u nekoj zemlji ili regionu, informacije im se prosljeđuju dnevno i po potrebi.

Razmjena informacija: Praktični aspekti učešća u zasjedanju Parlamentarne skupštine

Isabelle ARCIS, koordinator, Politički komitet, Valerie GEFFROY, koordinator, Komitet za nauku i tehnologiju i Komitet za odbranu i sigurnost, Reena PANCHAL, koordinator, Komitet za ekonomiju i sigurnost i koordinator za istraživanja, Claire WATKINS, koordinator, Komitet za civilnu dimenziju sigurnosti i koordinator za Mediteran su u svojim prezentacijama govorili o metodologiji pripreme rezolucija NATO PS. Radi se o aktivnostima prije i tokom zasjedanja NATO PS.

Dokumenti, Izvještaji, Rezolucije, Amandmani, Biografije

Dominique GINS, šef servisa za dokumentacije, Isabelle ARCIS, asistent u Servisu za dokumentaciju, Régine MALET, asistent Servisa za dokumentaciju su tokom prezentacije provjerili podatke za svaku parlamentarnu delegaciju. Pokazali su sa koliko ažurnosti u radu pristupaju problematici pripreme potrebne dokumentacije što je bilo jako poučno i ilustrativno.

Pravila i Procedure:

Jacqueline PFORR, savjetnica za pravna pitanja Generalnog sekretara NATO PS je u svom izlaganju govorila o značaju poštovanja pravila i procedura NATO PS. Posebno se osvrnula na rad šefova delegacija i potrebu poštovanja procedure tokom zvaničnog nastupa na zasjedanju komiteta i plenarnom zasjedanju NATO PS.

Zaključak:

Dvodnevni radni sastanak predstavnika Međunarodnog sekretarijata NATO PS sa sekretarima delegacija u NATO PS bio je izuzetno dobro pripremljen. Oko 30 predstavnika Sekretarijata izlagalo je o temama koje su veoma značajne za rad NATO PS i rad nacionalnih parlamentarnih delegacija. Konkretnost i preciznost u izlaganjima, podaci i prezentacije u kojima su dominirala izlaganja u kojima se govorilo o radu iz sopstvenog iskustva dala su potpunu sliku o radu tima koji ukupno broji 35 ljudi. Mogućnost komentara prezentacija, postavljanja pitanja i interaktivnog učestvovanja u radu seminara je u potpunosti opravdalo poziv za učestvovanje u radu godišnjeg sastanka u NATO PS.

S e k r e t a r
Delegacije PS BiH u NATO PS
Željko Grubešić